



**Norma complementaria á Orde do 10 de marzo do 2015, pola que se regula a aplicación dos pagamentos directos á agricultura e á gandería e das axudas ao desenvolvemento rural suxeitas ó sistema integrado de xestión e control**

**e a Orde do 29 de xaneiro de 2016 pola que se regula a aplicación dos pagamentos directos á agricultura e á gandería e das axudas ao desenvolvemento rural suxeitas ao Sistema integrado de xestión e control**

**Medidas de agroambiente e clima e agricultura ecolóxica recollidas no PDR de Galicia 2014-2020.**



**CONTROL DE VERSIONS**

VERSION	DATA	CAMBIOS RESPECTO A VERSION ANTERIORES
1.00	08/09/15	Primeira versión do documento
2.00	21/12/15	Segunda versión do documento, que inclúe algunhas correccións e melloras, tales como: <ul style="list-style-type: none"><li>- Aprobación PDR por Decisión de Execución da Comisión C (2015) 8144 do 18 de novembro de 2015.</li><li>- ORDE do 16 de decembro de 2015 pola que se modifica a Orde do 10 de marzo de 2015 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao sistema integrado de xestión e control.</li><li>- Erros manifestos e erros tipográficos.</li></ul>
3.00	4/06/2016	Terceira versión do documento, que inclúe os cambios relacionados coa publicación da: <ul style="list-style-type: none"><li>- ORDE do 29 de xaneiro de 2016 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao Sistema integrado de xestión e control.</li></ul>



## **CAMPAÑA 2016**

En aplicación de:

**ORDE do 29 de xaneiro de 2016 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao Sistema integrado de xestión e control.**

**ORDE do 10 de marzo de 2015 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ó sistema integrado de xestión e control (DOG núm. 48, do 11 de marzo).**

**ORDE do 16 de decembro de 2015 pola que se modifica a Orde do 10 de marzo de 2015 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao sistema integrado de xestión e control (DOG núm. 241, do 18 de decembro).**

dítase a presente Instrución que contén aclaracións a determinados requisitos e compromisos que deben cumprir os beneficiarios das mencionadas axudas.

### **A.- Cuestións Xerais ou Elementos comúns.**

#### **A.1.- Liñas de base e condicionalidade.**

As axudas de Agroambiente e clima e Agricultura Ecolóxica están obrigadas a cumprir ca condicionalidade (requisitos legais de xestión e boas condicións agrarias e medioambientais) e as liñas de base (requisitos mínimos obrigatorios) recollidas no anexo IX da Orde do 29 de xaneiro do 2016.

O seu incumprimento xerará as reducións e sancións correspondentes en todas as medidas solicitadas (condicionalidade) e/ou nas liñas de axuda afectadas polas liñas base incumpridas.

Nalgúns casos, o incumprimento dun compromiso pode implicar o incumprimento da liña de base. Nestes casos, de acordo co indicado no punto 4.2 da Circular do Fega 6/2015 de Criterios para a aplicación de reducións, sancións e exclusións nas medidas de desenvolvemento rural establecidas no ámbito do sistema integrado do período 2014/2020, a penalización a aplicar será a maior.

#### **A.2.- Aconsellamento específico.**

O beneficiario destas axudas debe recibir o Aconsellamento dunha entidade inscrita no RESAXEGA antes do 01/01/2016 ou ca solicitude de inscrición presentada antes desa data sempre e cando quede finalmente inscrita con data límite 31 de marzo de 2016. Dito aconsellamento debe ser recibido polo beneficiario dende o inicio do ano en curso (dende o 01/01/2016 para esta campaña).



O incumprimento deste requisito implicará a exclusión destas axudas, entendéndose como tal, a denegación de todas as axudas solicitadas e o reintegro dos importes percibidos con anterioridade.

#### A.3.- Lodos de depuradora.

O beneficiario destas axudas non aplicará lodos na integridade da superficie da súa explotación.

O control deste requisito de admisibilidade farase tanto a nivel de solicitante (nif/cif) como a nivel de parcelas (recintos autorizados para aplicar lodos), se constara dado de alta como autorizado (solicitante ou parcela) considerárase incumprimento.

O incumprimento de dito requisito implicará a exclusión destas axudas, entendéndose como tal, a denegación de todas as axudas solicitadas e o reintegro dos importes percibidos con anterioridade.

#### A.4.- Carga gandeira.

Para o cómputo da carga gandeira da explotación terase en conta:

- Unidades de Gando Maior(UGM): utilizarase un valor medio calculado a partir dos censos gandeiros das especies de bovino, ovino, cabrún ou equino presentes na explotación en seis datas do ano de solicitude. Para iso seleccionárase aleatoriamente un día do mes, e os censos gandeiros presentes na explotación nese día de cada un dos 6 primeiros meses do ano (xaneiro - xuño) serán os que se teñan en conta para calcular o valor medio. Os censos obteranse do Rexistro de explotacións gandeiras (Rega). No caso de existir un control sobre o terreo, que se fará na segunda metade do ano, farase un conteo de animais para verificar a súa coherencia cos censos utilizados para o cálculo do valor medio. Considerárase que o conteo é coherente se está dentro do rango definido polos 6 censos que tomamos para o cálculo do valor medio. Se non é así, entónces o dato do conteo pode ser superior ou inferior a dito rango:

- o Se o conteo é superior, entónces cambiarase polo valor máis elevado dos 6 considerados e logo determinarase as UGM medias.
- o Se o conteo é inferior, entónces cambiarase polo valor máis baixo dos 6 considerados e logo determinarase as UGM medias.

O número de animais converterase a UGM da seguinte maneira:

- Equinos > 6 meses = 1,0 UGM.
- Bovinos > 2 anos = 1,0 UGM.
- Bovinos de 6 meses a 2 anos = 0,6 UGM.
- Bovinos < 6 meses = 0,4 UGM.
- Ovinos e cabrúns = 0,15 UGM.



Non se terá en conta por tanto, o gando porcino e aves. Terase en conta o gando trashumante das especies equino, bovino, ovino e cabrún.

- Superficie forraxeira da explotación. Será a superficie agraria da explotación dedicada a pastos ou a cultivos destinados á produción de forraxe para alimentación animal, incluídas as superficies utilizadas en común e as que estean dedicadas a cultivo mixto, dispoñible durante todo o ano natural para a cría de bovinos, ovinos, cabrúns ou equinos.

No caso de facer trashumancia deberá declararse toda a superficie de pastos para o período de trashumancia, incluídos os de fóra de Galicia.

Os produtos declarativos que poden estar destinados á produción de forraxe para a alimentación animal que computarían para o cálculo da superficie forraxeira son os seguintes:

Cod. Produto	Produto
4	MILLO (Ver variedades)
7	SORGO
33	XIRASOL (Ver variedades)
43	ALTRAMUZ DOCE (Ver variedades)
52	VEZA (Ver variedades)
53	YEROS (Ver variedades)
60	ALFALFA (Ver variedades)
63	PASTOS de menos de 5 anos
67	ESPARCETA (Ver variedades)
68	FESTUCA
69	RAYGRAS
70	AGROSTIS
71	ARRHENATHERUM
72	DACTILO
73	FLEO
74	POA
77	TREBO
241	MISTURA VEZA - AVEA
242	MISTURA VEZA-TRITICALE
243	MISTURA VEZA-TRIGO
244	MISTURA VEZA-CEBADA
245	MISTURA ZULLA - AVEN
246	MISTURA ZULLA - CEBADA
247	CULTIVOS MIXTOS DE ESPECIES PRATENSES
64	PASTIZAL DE 5 ou MAIS ANOS
65	PASTO ARBUSTIVO DE 5 ou MAIS ANOS
66	PASTO ARBORADO DE 5 ou MAIS ANOS



Non se considerará superficie forraxeira, os pastos arbustivos ou arborados nos que a actividade declarada sexa “roza” pois ditas superficies non están dedicadas á produción de forraxe para a alimentación animal durante o ano en curso.

O cálculo da carga gandeira será o resultante de dividir as UGM da explotación entre a superficie forraxeira da mesma e deberá quedar dentro do rango de 0,7-2 UGM/ha para as liñas de Agroambiente e clima onde a carga gandeira sexa un compromiso e non superior a 2 UGM/ha nas axudas de Gandería ecolóxica.

Para o caso de novas incorporacións (agricultores xoves), non será de excepción o cumprimento da carga gandeira. No caso de non cumprir a carga poderá solicitar as axudas cando a incorporación do gando á explotación permita cumprir ditas cargas.

#### A.5.- Agricultor activo.

Este requisito é de aplicación na medida de Agricultura ecolóxica. O cumprimento do mesmo verificarase do modo que se estableza na correspondente Circular de coordinación do FEGA “Criterios para el cumplimiento de la figura de Agricultor Activo 26/2016”.

#### A.6.- Obrigatoriedade da solicitude de pago.

Durante os 5 anos que dura o compromiso o beneficiario debe solicitar anualmente o pago das mencionadas axudas.

Faranse controis dirixidos aos beneficiarios con compromisos plurianuais que non presentaran a solicitude de pago e/ou que non esta debidamente xustificado o mantemento de ditos compromisos trala realización dos controis administrativos.

De demostrarse incumprimento grave, falsidade, intencionalidade e negligencia o beneficiario quedará excluído da medida ou liñas comprometidas durante o ano natural e seguinte no que se detectara o incumprimento. Solicitarase ademais, o reintegro de importes percibidos en anos anteriores.

#### A.7.- Ampliación de compromisos.

Durante os anos que dura o compromiso non poderá solicitarse o incremento de unidades (superficie, colmeas e animais) salvo no caso de Razas autóctonas en perigo de extinción, na cal, dito aumento será maior ou igual a 5 UGM. A solicitude deste aumento farase na solicitude única mediante a liña FRA da campaña 2016 (coma unha nova solicitude)

A solicitude dunha liña nova dentro dunha mesma medida considerarase un novo compromiso do beneficiario, non unha ampliación de compromisos. Exemplo: o ano 1 un beneficiario solicita Xestión sostible de pastos e no ano seguinte Razas autóctonas en perigo de extinción. Deberá manter cada compromiso independente durante 5 anos.



Os cambios de uso sobre a superficie comprometida (por exemplo, un PR que pasa a PS ou TA), non implicarán un incremento no pago da axuda pero, no seu caso, sí que implicarán unha redución no pago por exemplo, un PS que pasa a PR ou PA.

#### A.8.- Alcance da verificación do cumprimento dos requisitos, compromisos ou outras obrigas.

Os requisitos verificables a través de superficies (non aplicación de lodos de depuradora) e as liñas de base verificaranse en **todas as parcelas da explotación**, non solo na superficie comprometida (superficie ligada a pago).

Na medida de Agroambiente e clima, os compromisos aplicaranse sobre superficies (ha) non sobre parcelas concretas e polo tanto as parcelas da explotación poderán variar durante os anos que duran os compromisos.

Ademais, nas submedidas de Xestión sustentable de pastos e Extensificación do vacún de leite os compromisos verificables a través de superficie (parcelas) verificaranse en **todas as parcelas agrícolas da explotación**, non solo na superficie comprometida (superficie ligada a pago).

Na medida de Agricultura ecolóxica, os compromisos aplicaranse a parcelas fixas (has de parcelas comprometidas), é dicir, non se poden intercambiar parcelas durante os anos que duran os compromisos.

Aos beneficiarios da campaña 2015 de liñas ecolóxicas, faráselles unha comprobación de mantemento da actividade produtiva nas parcelas comprometidas, e dicir, na campaña 2016 deberá solicitar a axuda polas mesmas parcelas que o ano anterior e demostrar nelas actividade ecolóxica (non se considerará o mantemento do compromiso se a parcela está na súa totalidade a improdutivos ou outros usos non agrícolas).

Esta verificación será independente do cómputo da superficie comprometida (Has) a efectos de pago.

Todos os compromisos consideraranse Excluíntes a nivel de aprobación inicial (ano de inicio do compromiso plurianual). A nivel de pago considerárase cada un deles coa tipificación exposta no documento de "Tipificación de compromisos" e aplicarase a penalización que corresponda no pago da axuda solicitada.

#### A.9.- Renuncia ás axudas.

Permitíranse renuncias ás medidas ou submedidas solicitadas. Dita renuncia dará lugar (salvo causa de forza maior) á exclusión do programa e ó reintegro dos pagos percibidos ata o momento, se esta renuncia é posterior a resolución aprobatoria.

#### A.10.- Transferencias de compromisos /Cesións de explotacións.

Para a campaña actual (2016) contéplanse transferencias dos compromisos adquiridos no 2015.



A Orde do 29 de xaneiro de 2016 contempla no artigo 26 as condicións en que deben realizarse as cesións de explotación ligadas a cambios de titularidade.

A.11.- Criterios de prioridade.

Os criterios de prioridade que se aplican para a concesión destas axudas, contéplanse nos artigos 71 e 84 da Orde do 29 de xaneiro de 2016.

A.12.- SIE (Superficies de interese ecolóxico).

Os produtos considerados como superficies de interese ecolóxico (SIE) non serán primables en ningún caso para estas axudas.

Son os produtos 23, 24, 25, 40, 41, 43, 49, 50, 51, 52, 53, 60, 61, 67, 76, 77, 180, 238, 239, 240, 248, 249, 250, 400, 500, 600, 700 e 800.





## **B.- Medida de Agroambiente e Clima.**

### **B.1.- Incompatibilidade entre liñas.**

As liñas desta medida, salvo Razas autóctonas en perigo de extinción, son incompatibles cas liñas da medida de Agricultura ecolóxica. Ademais, as liñas de Xestión sostible de pastos e Extensificación do vacún de leite son incompatibles entre sí.

Non será posible facer un cambio de prima/submedida. O compromiso formalizado no primeiro ano de solicitude debe manterse por 5 anos. Por exemplo: Extensificación do vacún de leite; implica manter a orientación produtiva (vacún de leite) os 5 anos que dura o compromiso.

No caso dunha explotación leiteira que teña previsto un cambio de orientación produtiva a vacún de carne dentro do período dos 5 anos que dura o compromiso, deberá solicitar a liña de Xestión sostible de pastos, pois de solicitar Extensificación de vacún de leite non poderá cumprir os compromisos durante todos os anos do compromiso. Dito incumprimento incorrería en penalizacións que poderían dar lugar á exclusión da axuda e ó reintegro dos pagos percibidos.

### **B.2.- Apicultura para a conservación da biodiversidade en zonas con limitacións naturais.**

1.- Manter un mínimo de 100 colmeas en municipios de Galicia designados como zonas de montaña (Anexo V da orde do 29 de xaneiro de 2016) e distribuídas en ó menos 2 alvarizas. Polo tanto,

- Non se pagarán colmeas situadas en alvarizas en zonas non designadas de montaña.
- Non se pagará a axuda se as colmeas non están distribuídas en ó menos 2 alvarizas.
- Non se pagará a axuda si non se mantén un mínimo de 100 colmeas activas.
- Tamén debe terse en conta qua as alvarizas deben figurar correctamente inscritas no Rexistro apícola (a tolerancia para a validación das alvarizas é de 100 m en cada coordenada) para ser primables.

2.- Manter como mínimo as colmeas comprometidas durante os anos que dura o compromiso. A estes efectos consideraranse comprometidas e primables un máximo de 80 colmeas por alvariza.

- Non se pagarán máis de 80 colmeas por alvariza (aínda que teña máis) Manterase como mínimo as colmeas comprometidas. Non manter as colmeas comprometidas implicará unha penalización na axuda que poderá supoñer ata o 100% da mesma se o número de colmeas activas é inferior a 100. Este compromiso verificarase tendo en conta como máximo as colmeas comprometidas da campaña inicial.



3.- A distancia entre alvarizas do mesmo beneficiario será polo menos de 1 Km.

- Non se pagarán as colmeas de alvarizas situadas a unha distancia (medida en liña recta a través de coordenadas) inferior a 1km entre si. Exemplo: Se dúas alvarizas se sitúan a 990 m. entre si, non se pagarán as colmeas de ningunha delas, ou dito doutro modo, as alvarizas nunca van ter colmeas primables nin se considerarán comprometidas. Ademais se por non manter este compromiso non se manteñen as colmeas comprometidas inicialmente, producirase unha penalización.

**B3.- Razas autóctonas en perigo de extinción.**

1.- Dispoñer de máis de 5 UGM primables dunha ou varias das razas autóctonas de Galicia en perigo de extinción.

A efectos do pago desta axuda computaranse os animais das seguintes razas autóctonas en perigo de extinción:

- Bovino: Cachena, Caldelá, Frieiresa, Limiá e Vianesa.
- Ovino: Ovella galega.
- Cabrún: Cabra galega.
- Equino: Cabalo de Pura Raza Galega.
- Porcino: Porco celta.
- Aves: Galiña de Mos.

Para ser primables (computarse a efectos de UGM), os animais destas razas deben estar inscritos no correspondente Libro da Raza. O máximo de UGM primables virá limitado polos animais que o 1/01/2016 cumpran o anterior e se encontren na explotación do solicitante. Ditos animais converteranse a UGM segundo as seguintes equivalencias:

- Equinos de > 6 meses = 1 UGM
- Bovinos de > 24 meses = 1 UGM
- Bovinos entre 6 e 24 meses = 0,6 UGM
- Bovinos < 6 meses = 0,4 UGM
- Ovinos e cabrúns = 0,15 UGM
- Porcas de cría > 50 Kg. = 0,5 UGM
- Outros porcos = 0,3 UGM
- Galiña de Mos = 0,03 UGM

Non se farán pagos si o resultado do cómputo total de UGM primables das razas mencionadas anteriormente é inferior ou igual a 5 UGM.

De ser o caso, non se considerará unha ampliación de compromisos nesta liña se o nº de UGM primables das razas mencionadas non supera en 5 ás UGM's da aprobación da campaña 2015.



2.- Cando se trate de especies de bovino, equino, ovino e cabrún, debe manterse a carga gandeira da explotación entre 0,7 e 2 UGM/ha, calculando esta tal e como se describe no apartado A.4.

O gando porcino e as aves da explotación non computarán a efectos de carga gandeira nestas axudas.

3.- Manter como mínimo as UGM comprometidas durante os anos que dura o compromiso.

Para verificar dito cumprimento comprobarase anualmente as UGM presentes en dúas datas do ano (unha a principios e outra a finais), tendo en conta de ser o caso a ampliación solicitada.

Non manter as UGM comprometidas implicará unha penalización na axuda que poderá supoñer ata o 100% da mesma se o nº de UGM é inferior ou igual a 5.

4.- Participar no programa de mellora xenética da raza.

Enténdese como tal, o cruce en pureza dos animais da raza. Para a verificación de dito compromiso terase en conta a certificación emitida por parte do Libro xenealóxico da raza así como as evidencias atopadas en campo.

O incumprimento de dito compromiso nunha ou máis razas, dará lugar a unha penalización que afectará a todas as UGM (non solo ás UGM da raza que non cruza en pureza).

#### B.4.- Xestión sustentable de pastos e Extensificación do vacún de leite.

1.- Dispoñer dun mínimo de 10 ha de superficie forraxeira indemnizable.

Considerarase superficie forraxeira indemnizable a superficie forraxeira situada no municipio da explotación ou limítrofes sempre e cando sexan municipios de Galicia. No caso de haber máis dunha explotación consideraranse as superficies existentes nos municipios limítrofes de cada unha (de cada REGA).

Para o cálculo da superficie forraxeira indemnizable NON se consideraran:

- As superficies de uso común.
- As superficies de interese ecolóxico:
  - As terras en barbeito.
  - As superficies dedicadas a cultivos fixadores de nitróxeno (xudía, lentella, chícharo, fabas, tremoceiro, ervellaca, titarros, almorta, veza, ervella forraxeira, alholva, alverja, alverjón, alfalfa, esparceta, zulla e trevo).
  - As superficies forestais.
  - As superficies dedicadas a agrosilvicultura que reciban ou recibiran axudas segundo o Regulamento (CE) 1698/2005 e/o Regulamento (UE) 1305/2013.



- As superficies de pastos arbustivos e pastos arborados na liña de Extensificación do vacún de leite (para Xestión sustentable de pastos sí se terán en conta).

No caso de Xestión sustentable de pastos, e a efectos de pago, ás superficies de pastos arbustivos e pastos arborados aplicaráselles un coeficiente redutor de 0,30 ao importe unitario da axuda. Exemplo: unha explotación con 9 ha de prado e 1 ha de PR cumpriría o mínimo de superficie indemnizable e a efectos de pago 9 ha recibirían 120 €/ha e 1 ha recibiría 36 €/ha.

2.- Manter unha carga gandeira mínima de 0,7 UGM/ha e máxima de 2 UGM/ha.

O cálculo da carga gandeira da explotación farase segundo o descrito no apartado A.4.

3.- Manter a superficie forraxeira comprometida durante os anos que dure o compromiso.

Deberase manter a superficie forraxeira comprometida durante os 5 anos que dura o compromiso (non as parcelas).

O número de has poderá reducirse respecto da superficie comprometida inicialmente como máximo un 10%. Unha redución maior implicará un 100% de penalización na axuda.

4.- Non implantar cultivos nas superficies con pendentes maiores ó 10%, excepto para establecer prados ou rexenerar o pasto.

En recintos con pendentes superiores ó 10% non se poderán establecer cultivos herbáceos salvo pastos.

Os códigos dos cultivos herbáceos (produtos) considerados que non se poden implantar son os seguintes:

- 1, 2, 3, 4, 5, 6, 7, 8, 9, 10, 11, 12, 13, 14, 19, 33, 34, 35, 36, 40, 41, 43, 49, 50, 51, 53, 60, 61, 80, 81, 82, 83, 84, 85, 86, 87, 88, 89, 90, 91, 92, 93, 96, 97, 98, 99, 121, 138, 151, 152, 153, 154, 155, 156, 157, 158, 159, 160, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 197, 198, 219, 220, 222, 223, 236, 238, 239, 240, 241, 242, 243, 244, 245, 246, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 298, 299, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326 e 327.

Tendo en conta as condicións particulares de Galicia, como son:

- que as explotacións soen ter unha horta de autoconsumo que normalmente se traballa manualmente,
- que o tamaño medio das parcelas é pequeno,
- que nun período corto de tempo rexenerase a cuberta vexetal (debido ao clima),



considerarase que este compromiso se incumpre se existe unha superficie superior a 0,5 ha por beneficiario de recintos con pendentes superiores ó 10% nos que existan cultivos herbáceos distintos de pastos.

Esta tolerancia considerarase plenamente xustificada polas condicións antes indicadas, por non afectar ó logro do obxectivo deste compromiso e ademais, porque a BCAM 5, que é a liña de base deste compromiso, prevé unha tolerancia aínda maior para as parcelas de pequeno tamaño ao establecer que "...non será de aplicación no caso de parcelas de cultivo de superficie igual ou inferior a unha hectárea, no caso de parcelas de cultivo irregulares ou alongadas cuxa dimensión mínima non sentido transversal á pendente sexa inferior a 100 metros en calquera punto da parcela e cando, por razóns de mantemento da actividade produtiva tradicional se determinen e autoricen pola Administración competente aquelas técnicas de agricultura de conservación que se consideren axeitadas. En tódolos supostos, a implantación do cultivo farase o máis rapidamente posible, para evitar que o solo poda verse afectado pola erosión."

Este compromiso está ligado ca liña de base BCAM5 para cultivos herbáceos. O incumprimento do compromiso sempre dará lugar ó incumprimento da liña de base, e polo tanto a penalización a aplicar será a do compromiso por ser maior.

#### 5.- Pastoreo.

Enténdese como pastoreo a práctica de manexo consistente en alimentar a dente ós animais da explotación.

Esta exigencia debe ser unha práctica habitual nas explotacións beneficiarias, e polo tanto, entenderase como tal, o pastoreo con toda a cabana gandeira da explotación e ó longo de todo o ano.

En concreto, nas explotacións de vacún de leite, onde o pastoreo é habitual por lotes (xovencas e vacas secas), non se considerará cumprido o compromiso si o pastoreo non se fai tamén cas vacas en produción.

No caso de explotacións mixtas (con gando de varias especies) ou de explotacións de bovino con animais de aptitude láctea e cárnica, o pastoreo entenderase cumprido se se pastorea con todas as especies e con todos os animais sexa cal sexa a súa aptitude (láctea ou cárnica).

Tan só se exceptuarán do pastoreo ó gando porcino e as aves e o bovino destinado ao cebo (con un acabado posterior ao destete e previo á venda).

A efectos da verificación no campo do cumprimento de pastoreo, terase en conta a época do ano na que se realice o control. Nos meses máis cálidos de verán e nos máis fríos de inverno o pastoreo vai a estar limitado pola dispoñibilidade de pastos e polas inclemencias meteorolóxicas. Dita excepción ou observación, non exime do cumprimento do mesmo, que se verificará a través do calendario de pastoreo e as evidencias "in situ" de dita práctica.

Considerarase unha evidencia “in situ” o pastoreo con todo o rabaño no momento da visita.

No caso de non pastorear con todo o rabaño no momento da visita, poderase solicitar ó beneficiario que conduza a todo ou parte do rabaño a unha parcela de pasto próxima a explotación, para que o inspector poda pronunciarse si é unha práctica habitual ou non no manexo da explotación.

Tamén se considerarán para a verificación do compromiso, as evidencias de pastoreo recente nas parcelas visitadas (cercados, bebedoiros, dexecións,...) e contrastaranse con elas, as anotacións máis recentes do caderno. Estas verificacións pódense completar comprobando a existencia de pastores eléctricos na explotación.

### 5.1. Pastoreo na liña de Xestión sustentable de pastos

O pastoreo debe ocupar polo menos o **70%** da superficie de prados e pastos permanentes da explotación para o caso de Xestión sustentable de pastos.

Para o cálculo da superficie total de prados e pastos teranse en conta los seguintes produtos:

Código	Produto
63	Pastos de menos de 5 anos
68	Festuca
69	Raygrass
70	Agrostis
71	Arrhenatherum
72	Dáctilo
73	Fleo
74	Poa
77	Trevo
247	Cultivos mixtos de especies pratenses
64	Pastizal de 5 ou máis anos
65	Pasto arbustivo de 5 ou máis anos
66	Pasto con arborado de 5 ou máis anos

### 5.2. Pastoreo na liña de Extensificación do vacún de leite

O pastoreo debe ocupar polo menos o **50 %** da superficie de prados (temporais e permanentes) da explotación para o caso de Extensificación de vacún de leite.

Non se computarán a efectos de pastoreo as superficies de pastos arbustivos e pastos con arborado. E dicir, para o cálculo da superficie total de prados teranse en conta os seguintes produtos



Código	Produto
63	Pastos de menos de 5 anos
68	Festuca
69	Raygrass
70	Agrostis
71	Arrhenatherum
72	Dáctilo
73	Fleo
74	Poa
77	Trevo
247	Cultivos mixtos de especies pratenses
64	Pastizal de 5 ou máis anos

#### 6.- Superficie de millo e outros cultivos forraxeiros.

A superficie de millo e outros cultivos forraxeiros está limitada para estas axudas.

No caso de Xestión sustentable de pastos, a superficie de millo e outros cultivos forraxeiros (distintos de prados de menos de 5 anos) ha de ser menor ou igual al **20 %** da superficie forraxeira da explotación.

No caso de Extensificación do vacún de leite, debe ser menor ou igual ó **25%** da superficie forraxeira da explotación (excluíndo o pasto arbustivo e o pasto con arboredo).

#### 7.- Caderno de Explotación.

Os beneficiarios destas axudas deberán manter actualizado un caderno de explotación co rexistro das actuacións de pastoreo co contido mínimo que se indica no anexo XII da Orde de axudas.

- Non dispoñer do caderno no momento da visita, que este non teña o contido mínimo do anexo XII ou está sen cumprimentar implicaría a penalización do 100% da axuda do ano en curso.
- Non conter rexistros de pastoreo recentes ou non estar debidamente actualizado implicará tamén unha penalización.

#### 8.- Extensificación do vacún de leite; mantemento da orientación produtiva.

As UGM correspondentes ós animais de máis de 12 meses de razas bovinas de aptitude eminentemente leiteira deben ser, polo menos, o 70% do total das UGM da explotación.

A clasificación zootécnica da explotación que solicite esta liña de axuda debe ser "Reproducción para a produción de leite".



De acordo co indicado no Anexo II da Orde do 29 de xaneiro de 2016, as razas de bovino consideradas de aptitude eminentemente leiteira son as seguintes :

- *Angler Rotvieh (Ageln) - Rød dansk mælkerace (RMD). - German Red - Lithuanian Red*
- *Ayreshire.*
- *Armoricaïne.*
- *Bretonne Pie- noire.*
- *Frisona*
- *Groninger Blaarkop.*
- *Guernsey.*
- *Jersey.*
- *Malkeborhorn.*
- *Reggiana.*
- *Valdostana nera.*
- *Itäsuomenkarja.*
- *Länsisuomenkarja.*
- *Pohjoissuomenkaja.*
- *Fleckvieh.*
- *Montebeliard.*
- *Parda.*

No caso das explotacións con clasificación zootécnica “Reproducción para a produción de leite”, tamén se computarán como raza de aptitude eminentemente leiteira os animais do conxunto mestizo de dita explotación.

Isto implica que, o beneficiario da axuda de Extensificación non poderá cambiar de orientación produtiva/cambiar de prima na súa explotación ó longo do período de compromisos, tal e como se indicou no apartado B.1. (Incompatibilidade entre liñas).

Unha explotación de vacún de leite ou mixta podería solicitar a liña de Xestión sustentable de pastos e cumprir os seus compromisos sen ningunha limitación en canto ás UGM de leite.

## **C.- Medida de Agricultura Ecolóxica.**

### **C.1.- Incompatibilidade entre liñas.**

A medida de Agricultura Ecolóxica será incompatible cas liñas da medida Agroambiente e Clima, salvo para a liña de Razas autóctonas en perigo de extinción.

A liña de Conversión á Agricultura ecolóxica será incompatible ca liña de Mantemento da Agricultura ecolóxica.

A duración máxima da liña de Conversión será de 2 anos en cultivos anuais e pastos e 3 para cultivos permanentes. A partir de aquí entenderase o compromiso como Mantemento da Agricultura ecolóxica o número necesario de anos ata completar o período de 5.





## C.2.- Conversión/Mantemento da Agricultura ecolóxica.

Os solicitantes cuxo período de conversión en tódalas unidades de produción da súa explotación (superficies e colmeas) finalice a partir do 1 de xullo, incluído, do ano da solicitude de pago, poderán solicitar a axuda de conversión.

Se o seu período de conversión nalgunha unidade de produción finaliza antes do 1 de xullo deberán solicitar a axuda de mantemento.

### Exemplo:

Unha explotación que ten gandería ecolóxica (vacún de carne) e agricultura (castaños) cuxo período de conversión das súas superficies forraxeiras finalizara antes do 1 de xullo de 2016 (salvo en 5 parcelas) e as superficies dedicadas a castaños finalicen o período de conversión o 30 de xuño de 2017 (todas menos 2 que finalizan o 10 de setembro de 2017), deberá solicitar:

- na campaña 2016:
  - Mantemento de gandería ecolóxica.
  - Conversión de agricultura ecolóxica.
- na campaña 2017 deberá solicitar:
  - Mantemento de gandería ecolóxica.
  - Mantemento de Agricultura ecolóxica.

1.- Empregar as técnicas de agricultura ecolóxica durante todo o ano natural.

Verificarase o cumprimento durante todo o ano da seguinte normativa de aplicación:

- Regulamento (CE) nº 834/2007 do Consello, sobre produción e etiquetaxe dos produtos ecolóxicos.
- Regulamento (CE) nº 889/2008 polo que se establecen as disposicións de aplicación do Regulamento 834/2007.
- Normas Técnicas do Consello Regulador de Agricultura Ecolóxica de Galicia (CRAEGA).

2.- Estar inscrito no Rexistro xeral de operadores de agricultura ecolóxica ("REXOE").

Dita inscrición deberá estar realizada antes do 01/01/2016.

3.- Obter a certificación da produción agraria como ecolóxica, de acordo co Regulamento.

Verificarase que durante o ano natural da solicitude o beneficiario dispoña da certificación para expedir a súa produción como Ecolóxica (que non estea suspendido ou cause baixa no CRAEGA).

Non ter esta acreditación implicará unha penalización do 100% da axuda.

4.- Manter a superficie comprometida durante os anos que dure o compromiso.



O número de has a que se aplicará un compromiso poderá reducirse como máximo un 10%. Unha redución maior implicará unha penalización do 100% na axuda.

Non obstante, os compromisos adquiridos son sobre parcelas fixas, o que implicará o mantemento das técnicas de agricultura ecolóxica en todas e cada unha delas ó longo dos 5 anos que dura o compromiso.

Exemplo:

Un agricultor de castaños ecolóxicos que nunha campaña non declara ou non certifica unha parcela (a súa produción), si esta representa máis do 10% da superficie comprometida tería unha penalización do 100% na axuda. Se non representa máis do 10% unicamente deixaríase de cobrar a axuda correspondente a esa superficie.

5.- Manter actualizado un caderno de explotación.

Los beneficiarios destas axudas deberán manter actualizado un caderno de explotación para efectos dun control das producións. Este caderno terá o contido mínimo que se indica no anexo XII da Orde de axudas.

- Non dispoñer do caderno no momento da visita, que este non teña o contido mínimo do anexo XII ou estea sen cumprimentar implicaría a penalización do 100% da axuda do ano en curso.
- Non conter as anotacións suficientes que impidan un control das producións ou non estar debidamente actualizado implicará tamén unha penalización.

C.3.- Gandería Ecolóxica.

A efectos de pago, consideraranse indemnizables as superficies situadas no concello da explotación ou limítrofes.

C.4.- Apicultura ecolóxica.

1.- Manteranse as colmeas comprometidas, durante os anos que dura o compromiso, que como mínimo serán 80.

- Non se pagarán máis de 80 colmeas por alvariza.
- Manteranse como mínimo as colmeas comprometidas. Non manter as colmeas comprometidas implicará unha penalización na axuda que poderá supoñer ata o 100% da mesma si o nº de colmeas activas é inferior a 80.
- Tamén debe terse en conta que as alvarizas deben figurar correctamente inscritas no Rexistro apícola (A tolerancia para a validación das alvarizas é de 100 m en cada coordenada) para que sexan validadas.
- As coordenadas dun asentamento validado deben coincidir no recinto e parcela certificada polo CRAEGA para considerarse primables ou susceptibles de pago.

2.- Si hai varias alvarizas a distancia entre elas ha de ser ó menos 1 Km.



- Non se pagarán as colmeas de alvarizas sitas a unha distancia (medida en liña recta a través de coordenadas) inferior a 1km entre sí, ou dito doutro modo, as alvarizas que incumpran este compromiso nunca van ter colmeas primables nin se considerarán comprometidas
- Exemplo: Si dúas alvarizas se sitúan a 990 m. entre sí, non se pagarán as colmeas de ningún dos dous, e si por este motivo non se manteñen as colmeas comprometidas inicialmente producirase unha penalización nos restantes.

## D.- Liñas de Base.

### D.1.- BCAM 5- Xestión mínima das terras para evitar a erosión.

1.- Nas superficies que se destinen a **cultivos herbáceos** non deberá labrarse con volteo a terra na dirección da máxima pendente cando, nos recintos cultivados, a pendente media exceda o 15%, salvo que a pendente real do recinto estea compensada mediante socalcos ou bancais.

2.- Nas superficies que se destinen a **cultivos leñosos** non deberá labrarse con volteo a favor da pendente da terra, en recintos con pendentes superiores al 15%, salvo que a pendente real do recinto estea compensada mediante socalcos ou bancais, se adopten formas especiais de cultivo como cultivo en faixas, se practique laboreo mínimo ou de conservación, ou se manteña unha cobertura de vexetación total do solo. No caso de existencia de bancais, será obrigatorio evitar calquera tipo de labores que afecten á estrutura dos muros existentes.

O disposto nos parágrafos anteriores non será de aplicación no caso de:

- Parcelas de cultivo de superficie igual ou inferior a 1 ha.
- Parcelas de cultivo irregulares ou alongadas cuxa dimensión no sentido transversal á pendente sexa menor a 100 m. en calquera punto da parcela.

Nas superficies con pendente maior do 15% que non estean nas excepcións do parágrafo anterior, permitirase o laboreo sen volteo e ou laboreo con volteo perpendicular a la liña de máxima pendente.

Debido a que o compromiso ligado a esta liña de base refírese aos cultivos herbáceos, no caso de darse o incumprimento da liña de base en cultivos leñosos penalizaríase polo incumprimento da liña de base, xa que en ningún caso podería existir incumprimento do compromiso.

### D.2.- RD 1311/2012- Uso sustentable dos produtos fitosanitarios.

Verificarase que nas explotacións beneficiarias das liñas suxeitas a esta liña de base se faga un uso sustentable dos produtos fitosanitarios, tal e como establece o RD 1311/2012 e se describe nos puntos enumerados no anexo X da Orde de axudas.

O uso sustentable dos produtos fitosanitarios está relacionado cos seguintes compromisos:

- aplicar a normativa de agricultura ecolóxica (liña de Agricultura ecolóxica).



Os puntos a verificar na liña de base non son coincidentes na súa descrición e literalidade cos compromisos das mencionadas axudas. Por iso, o incumprimento da liña de base non implicará o incumprimento do compromiso. Isto da lugar a penalizacións independentes.

#### D.3.- Rexistro de tratamentos fitosanitarios.

Deberase manter un rexistro de tratamentos fitosanitarios de acordo co establecido no artigo 16 do Real decreto 1311/2012 e a Orde APA/326/2007 do 9 de febreiro.

Esta liña de base está relacionada co compromiso de manter o caderno de explotación na medida de Agricultura ecolóxica, polo que o incumprimento da liña de base dará lugar ao incumprimento do compromiso do caderno de explotación.

As penalizacións a aplicar serían as do compromiso do caderno (as maiores) considerando que:

- Non dispoñer do rexistro de tratamentos fitosanitarios, non ter os contidos da Orde APA e do RD 1311/2012 ou que este non estea cuberto implicaría a penalización do 100% da axuda do ano en curso; sería como non ter caderno de explotación.
- Non conter anotacións recentes (non estar debidamente actualizado) implicará tamén unha penalización.

#### **E.- Causas de forza maior.**

As causas de forza maior e circunstancias excepcionais son as que contempla o artigo 2.2 do Regulamento (UE) nº 1306/2013, do Parlamento Europeo e do Consello, de 17 decembro de 2013, sobre a financiación, xestión e seguimento da política agrícola común, polo que se derrogan os Regulamentos (CE) nº 352/78, (CE) nº 165/94, (CE) nº 2799/98, (CE) nº 814/2000, (CE) nº 1290/2005 e (CE) nº 485/2008 do Consello, e que son as seguintes :

- Falecemento do beneficiario
- Incapacidade laboral de longa duración do beneficiario.
- Catástrofe natural grave que afectara gravemente á explotación.
- Destrución accidental dos locais gandeiros da explotación.
- Epizootia, ou enfermidade vexetal que afectara a unha parte ou á totalidade do gando ou dos cultivos, respectivamente, do beneficiario.
- Expropiación da totalidade ou dunha parte importante da explotación, se esta expropiación non era previsible o día en que se presentou a solicitude.

O beneficiario ou o seu dereitohabente deberá notificar por escrito ó Fogga os casos de forza maior ou as circunstancias excepcionais, axuntando as probas pertinentes, no prazo dos quince días hábiles seguintes á data en que estea en condicións de facelo.

Para as medidas obxecto desta instrución (Agroambiente e clima e Agricultura ecolóxica) cando un beneficiario non puidera cumprir o compromiso por motivos de forza maior ou circunstancias excepcionais, o pago correspondente retirárase proporcionalmente durante os anos nos que se producira o caso de forza maior ou a



circunstancia excepcional. A retirada afectará solo ás partes do compromiso para as cales os custos adicionais ou o lucro cesante non se produciran antes de que ocorrese a forza maior ou as circunstancias excepcionais. Non se aplicará ningunha retirada en relación cos criterios de admisibilidade e as demais obrigas, nin se impondrán sancións administrativas.

Non se esixirá o reintegro da axuda recibida en anos anteriores e o compromiso ou o pago proseguirán nos anos seguintes, de conformidade ca duración inicial.



## F.- Erros manifestos.

Avaliados os datos das solicitudes destas axudas, considerase a necesidade de corrixir certos **erros manifestos ou erros obvios** nas mesmas, tendo en conta sobre todo, o carácter plurianual destas axudas e a importancia da anualidade de partida (ano de formalización de compromisos). En concreto, consideraranse como erros manifestos específicos destas axudas os seguintes:

1.- Cando na solicitude das axudas non figuren datos da entidade e/ou técnico de aconsellamento entenderase dita ausencia como un erro manifesto da solicitude.

Consideraranse como tales, datos definitivos os que figuren no Anexo X remitido por cada unha das entidades de aconsellamento (salvo casos puntuais de cambios a metade de campaña, onde se verificará que todo o ano percibe un servizo continuado).

**2.- Solicitar Mantemento de Agricultura, Apicultura ou Gandería Ecolóxica cando o período de conversión finaliza despois do 1 de xullo de 2016 en tódalas parcelas/colmeas da solicitude.** (Para solicitar Mantemento, ó menos unha parcela/colmea ha de terminar a conversión antes do 1 de xullo de 2016).

Nestes casos actuarase de oficio cambiando a liña de Mantemento pola de Conversión trala notificación cruzada ca entidade certificadora.

**3.-Solicitar Conversión de Agricultura, Apicultura ou Gandería Ecolóxica cando o período de conversión finalizou antes do 1 de xullo de 2016 en tódalas parcelas/colmeas da solicitude.** (Para solicitar Conversión, tódalas parcelas/colmeas teñen que terminar a conversión a partir do 1 de xullo de 2016 inclusive).

Nestes casos actuarase de oficio cambiando a liña de Conversión pola de Mantemento trala notificación cruzada ca entidade certificadora.

**4.- Solicitar erroneamente a liña de Xestión sustentable de pastos en vez de Extensificación do vacún de leite, ou viceversa.** Previa comunicación por parte do solicitante manifestando a intención de solicitar una liña de axuda diferente á solicitada e manifestando asumir los compromisos da mesma durante todo o período de la axuda (5 anos), considerarase a súa petición.

Terase en conta que, atendida a súa solicitude de modificación de liña, NON poderá solicitar de novo o cambio á inversa, independentemente do resultado da verificación do cumprimento dos compromisos en calquera anualidade durante o período de compromisos.

Neste caso actuarase **sempre a petición do interesado.**

**6.-Solicitar a liña de Razas Autóctonas en perigo de extinción e non declarar ningún animal de ningunha das razas susceptibles de axuda.** Requerirase ao beneficiario para que subsane este erro.



**7.-Non se considerará un erro manifesto** cando na solicitude de axudas NON figuren marcas nos recintos ligados a una liña de axudas.. Isto dará lugar a que **NON se considerarán ós mesmos como superficie indemnizable.**

No caso dunha solicitude cuxas marcas nos recintos ligados a unha liña de axuda dean lugar a que a superficie comprometida caia por debaixo da superficie mínima admisible para a liña solicitada, procederase á DENEGACIÓN da mesma.

**8.-Non indicar variedade nos cultivos de horta.** No caso das liñas de Agricultura ecolóxica (tanto mantemento como conversión), a ausencia de variedade dun produto hortícola dará lugar a consideralo como cultivo ó aire libre (variedade 100) excepto no caso de que o uso do recinto no que se solicita sexa IV (invernadoiro), que se considerará como variedade 101.

9.- Confusión entre as liñas do 2015 e as do 2016.

Entenderase un erro manifesto, a solicitude dunha liña da convocatoria 2016 cando o beneficiario teña aprobada unha liña de axuda da convocatoria 2015 e non teña presentado unha renuncia ou desestimento á mesma.

No caso de FRA entenderase que solicita unha ampliación (de 5 UGM's ou máis) si tendo aprobado a liña de FRA no 2015 e solicita esta campaña coa liña do 2016.

Cando o beneficiario non poda acreditar un aumento de 5 UGM's de Razas autóctonas a 01/01/2016 con respecto da aprobación 2015, considerarase que continúa coa liña e orzamento consignado no 2015, non considerando as UGM's que poidera ter a maiores na aprobación da campaña actual.

**10.-Calquera outro erro** na tramitación da solicitude que non se axuste ós apartados anteriores **NON se considerará erro obvio ou manifesto** e non se procederá de oficio a súa corrección.

Santiago de Compostela, 04 de xullo de 2016

A directora do Fondo Galego de Garantía Agraria

Belén María do Campo Ribeiro



